

URARI 2020 / 2021

Per empustar las purschidas dal traffic da personas regional prevesa l'uffizi federal da traffic empustaziuns da 2 onns. La procedura d'urari currenta vala perquai tant per l'onn d'urari 2020 (15 da december 2019 - 12 da december 2020) sco er per l'onn d'urari 2021 (13 da december 2020 - 11 da december 2021).

Per che las midadas giavischadas possian vegnir coordinadas cun las interpresas da transport sco er cun la procedura d'empustaziun tranter la confederaziun ed il chantun, ston las propostas ed ils giavischs vegnir inoltrads a la presidenta u al president d'urari respectiv fin ils 1 da mars 2019.

La presidenta ed ils presidents d'urari ch'èn vegnids elegids da la regenza decidan en moda autonoma davart la concepziun detagliada da la procedura uffiziala da l'urari en lur regiuns, sco p.ex. publicaziuns complementaras en las medias regionalas, l'infurmaziun directa da vischnancas e da gruppas d'interess e la convocaziun d'ina conferenza regionala d'urari. Resalvadas restan midadas extraordinarias sin basa da directives da spargn dal parlament federal e/u dal cussegl grond dal chantun Grischun.

Suenter in'emprima valitaziun tras la presidenta ed ils presidents d'urari vegnan ils giavischs discutads cun l'uffizi d'energia e da traffic dal Grischun, partizun per il traffic public, sco er cun las interpresas da transport. Ils giavischs vegnan accordads cun las regiuns (d'urari) cunfinantas e resguardads tant sco pussaivel en il rom da la procedura d'empustaziun tranter la confederaziun ed il chantun.

Nums ed adressas da la presidenta e dals presidents d'urari regionalis

- **Regiun d'urari 1 - Citad da Cuira fin e cun Fläsch**
Glanzmann Josef, Bahnhofstrasse 20, 7304 Maiavilla
- **Regiun d'urari 2 - Partenz e Tavau**
Fromm Georg, Regiun Partenz/Tavau, Rathausgasse 2, 7250 Klosters
- **Regiun d'urari 3 - Scanvetg**
Buschor Mathias, Rathaus, 7050 Arosa
- **Regiun d'urari 4 - Citad da Cuira fin e cun Razén**
Röllli Eduard, Surual 5, 7403 Razén
- **Regiun d'urari 5 - Mantogna/Tumleatga e Rain posteriur**
Schläpfer Kathrin, Regiun Viamala, Rathaus, 7430 Tusaun

- **Regiun d'urari 6 - Mesolcina e Calanca**
Keller Roberto, Piazza de la Grida, 6535 Roveredo
- **Regiun d'urari 7 - Grischun central**
Bergamin Roman, Regiun Grischun central, 7450 Casti
- **Regiun d'urari 8 - Surselva**
Sax Ernst, Regiun Surselva, 7130 Glion
- **Regiun d'urari 9 - Engiadina, Val Müstair e Bregaglia**
Müller Emil, Saslatsch 107, 7542 Susch
- **Regiun d'urari 10 - Puschlav e Brusio**
Lardi Orlando, Via da Mez 135, 7742 Puschlav

Il 29 da matg 2019 vegnan ils sbozs da l'urari publitgads sut **www.fahrplanentwurf.ch**. Davart quests sbozs poi lura vegnir prendì posiziun fin il 16 da zercladur 2019 per mauns dals uffizis chantunals cumpetents.

Ultra da la procedura uffiziala d'urari exista complementarmain er ina procedura permanenta, nua ch'igl è pussaivel d'inoltrar durant l'entir onn propostas a la presidenta u als presidents d'urari regiunals ubain a l'uffizi d'energia e da traffic. Questa procedura è pensada en emprima lingia per propostas che intendan meglieraziuns pli grondas da la purschida dal traffic public (p.ex. novas lingias da bus) e che dovran in temp da preparaziun pli lung.

Dapli infurmaziuns davart il traffic public chattais Vus sut **www.aev.gr.ch**.

Cuira, il 28 da schaner 2019

Uffizi d'energia e da traffic dal Grischun

Partiziun per il traffic public